

# Gojgaeq Buenx Gou Majhung

## 伴我长大的故事

环江思恩镇人和小学四年级 莫弋堃

Mwh gou lij iq, dingq daxbuz gangj gvaq haujlai gojgaeq, ndawde gojgaeq ceiq hawj gou lumz mbouj ndaej dwg《Vunz Gaenx Reih Seng Bauj, Vunz Gik Reih Maj rum》. Daxbuz vih hawj gou rox gij yiye ndawde, ciengzciengz gangj aen gojgaeq neix hawj gou dingq: Cihgonq, miz boux vunz ndeu, mbouj miz daxboh, couh caeuq daxmeh doxbaengh, hoeng de ngoenzngoengz bae guhdoj mbouj bae guhhong, reihnaz cungj fwz liux, lij yiemq haujlai caiq, caiqcawj ngoenzngoengz hwnj ranz coi caiq, de mbouj miz banhfap couh deuz bae ndoj, louz daxmeh youq ranz. Sawqmwh, miz ngoenz ndeu, de laeglemx ma ranz yawj, raen ranz moqsagsag, daxmeh lij daenj buhmoq dem. De gipmuengz buet hwnjbae cam daxmeh: “Daxmeh, mwngz baenzlawz miz buhmoq daenj? Ranz baenzlawz lij bienq baenz ndei?” Daxmeh gangj: “Gou yungh gij gim daxboh mwngz louz roengzdaeuj haenx cawx buhmoq, coih ranz, gij caiq mwngz yiemq haenx gou hix bang mwngz boiz lo.” De gipmuengz cam: “Daxmeh, gim youq gizlawz?” Daxmeh gangj: “Youq ndaw naz.” De sikhaek buet bae coh ndaw naz, daengz ndaw naz, gijmaz cungj mbouj raen, de sing hung hemq: “Daxmeh, daxmeh, mbouj miz ya.” Daxmeh naeuz: “Youq laj namh, dawz namh vat hwnj couh raen lo.” Hoeng de dawz gaiqnaz cienzbouh vat liux lo lij mbouj raen saek naed gim. Daxmeh youh gangj: “Danghnaeuz doekceh, mbouj gvaq geijlai nanz couh raen daengz gim lo.” De ciuq daxmeh gangj bae guh, caemhcaiq lij ngoenzngoengz youq ndaw naz ciemz rum dwk bwnh, mbouj gvaq geijlai nanz, ndaw naz maj



rim gohaeux henjrwgrwg. Seizde, daxmeh gangj: “Lwg ha, mwngz yawj, neix mbouj dwg gim ma?” De umj daxmeh naeuz: “Daxmeh, gou loek lo.”

Daxbuz gangj aen gojgaeq neix lwnh raeuz rox: Cijaeu gaenx guh, couh miz soundaej. Daj gou hwnjhag doegsaw daengz seizneix, gou couh dawz aen gojgaeq daxbuz gangj neix geiq youq ndawsim, hawj swheij daj iq couh miz sibgvenq ndei gaenx doegsaw gyaex guhhong, ndigah, gou ciengz bingz ndaej hwnj “hagsib biubingh” caeuq “youhsiu hagseng ganbu”.

Gou aeu aen gojgaeq daxbuz gangj neix yaenq youq ndawsim, hawj aen goj neix buenx gou majhung, buenx gou bae roengzrengz, bae buekguh, bae saedyienh siengjmuengh gou.

(指导老师:陆春梅)



Aen hagdangz dou dwg aen suenva hung gyaendei ndeu. Dou moix ngoenz youq aen suenva neix hagsib, guhcaemz. Gou ceiq gyaex gij gingjsaek bakdou suenva.

Byaij haeuj suenva, baihsuix dwg rangh heuraurau ndeu. Gwnz rangheuh miz go'nywj heuswdsd caeuq dujva iq mbouj rox mingz haenx. Haetromh, naed raemxcaw gwnz go'nywj deng ndit baez cik, lumj baenz naed baenz naed caw sawdikdik ndongqmyigmyig, gyaqciq raixcaix. Go'gyoij sangradrad haenx gaengq-gwdgwd daengj dwk, mbawgyoij raezrangrang, lumj mbawrwz Cuhbazgai nei, miz mbangj iet raez, miz mbangj buep doxroengz. Gwnz go'gyoij did ok aen gyoij iqtet, gou caen siengj mbaet aeu ma cimz mbat he. Gocuk gwnz dingjibo, lumj benq daihhaij heusoemsoem ndeu, saekseiz okyienh geij mbaw ronghenj, lumj dwg gij mbawfung ruzgangfung ndaw haij nei.

Baihgyaz dwg aen byabau ndeu, gwnz byabau miz go'nywj heuswdsd; miz vacaz cingq hai dwk hoengh-fwngfwng, hoengzmaeq fifi, lumj najriu dou ronghsagsag; lij miz gocoengz daengigwdgwd, baenz bi seiq geiq cungj ngiengxgyaeuj sangvidvid. Gou ceiq boiqfug gocoengz lo, aenvih mboujlwnh rumz bongj nae at, de cungj baenz-haenx heusausau. Ndaw heusausau haenx goraeu lumj feizmbaw hoengzmyanmyan; gwnz faexsanhcaw dawz miz baenz roix baenz roix mak iq saeknding, couh lumj naed cawhoengz gyaendei nei yaekdoek sanxanx. Gwnz byabau miz song aen dap iq, lumj song boux bingsoujsauq haenx, hensouj cindi.

Gou gyaex gingjsaek heusausau neix, gou ciengzseiz boux vunz dog youq gizneix ngaengzngwd, loqsiengj, caemceh youq ndaw gingjsaek gyaendei neix, simmaez youq ndaw haij saekloeg neix.

(bouxsiy Yangz Sinh bouxhoiz Goenggen)

Mbatneix gou cix gvai lobw, gou daj gij vah de ndaej rox di saeh de daj gizlawz daeuj lo, yienghneix gou couh cam de naeuz:

“Mwngz daj singhgiuz wnq daeuj ha?”

Hoeng de mbouj han gou. De mienh yawj aen feihgih gou mienh ngaek gyaen, naeuz:

“O, mwngz naengh gaiq doxgaiq neix, daj giz gyaex daeuj mbouj daengz gizneix.”

Gangj daengz neix de couh mbouj guhsing lo, gag ngeixloekloek faenhde. Doeklaeng de daj ndaw daehbuh aeu mbawveh duzyiengz okdaeuj, cim gij bauj de da mbouj yaep bae.

Gyoengqsou cungj naemj ndaej daengz, gou ndaej nyi coenzvah “singhgiuz wnq” neix, gou geijlai geizheih ha. Yienghneix gou couh naemj banhfap yaek rox lai di dem.



“Lwgvuengziq, mwngz daj gizlawz daeuj ne? Ranz mwngz youq

# Lwgvuengziq



bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

gizlawz ne? Mwngz naemj dawz duz-yiengz bae gizlawz ne?”

De ngeix yaep ndeu le han naeuz: “Caeklaiq miz aen hab mwngz veh hawj gou neix, daengz gyang-haemh duzyiengz couh miz dieg ninz lo.”

“Dwg vei! Danghnaeuz mwngz dingqvah dem, gou lij veh diuz cag ndeu hawj mwngz, gyangngoengz mwngz ndaej lamh de hwnjdaeuj lo, veh gaiq dongh ndeu dem goj ndaej.”

Lwgvuengziq dingq le mbouj angq lo.

“Lamh de hwnjdaeuj guh maz ne, geizheih lai lo!”

“Danghnaeuz mwngz mbouj lamh de, de couh luenh buet, couh ra mbouj raen lo.”

Lwgvuengziq youh riu ok sing

naeuz:

“Mwngz naeuz de yaek deuz bae gyawz ne?”

“Bae gyawz cungj ndaej go, itcig buet baenaj……”

Seizneix Lwgvuengziq cix nyinh-caen naeuz:

“Mbouj ngaih, dieg gou iqtet.”

Riengzlaeng, de miz di doeknaiq naeuz:

“Buet baenaj, goj buet mbouj bae geijlai gyaex ne……”

## Seiq

Yienghneix, gou youh rox yiengh saeh youqgaenj ndeu dem: Aen singhgiuz Lwgvuengziq youq haenx hung mbouj gvaq aenranz geijlai.

Gijneix mbouj hawj gou doeksat geijlai, aenvih gou rox cawzok geij aen

hingzsingh hung lumj digiuz, moeg-sing, gimsing, hojsing neix miz mingzcoh gvaq, lij miz baenz cien baenz fanh aen singhgiuz iq dem, miz mbangj iqtet, aeu gingqyawjgyae daeuj yawj cungj nanz yawj ndaej raen. Canghdienfaenz baez yawjaen aen ndeu, couh bien aen hauhsouq ndeu hawj de, lumjbaenz heuh de guh “hingzsingh iq 325”.

Gou miz baengzgaq youqgaenj nyinhnaeuz aen singhgiuz Lwgvuengziq dwg aen hingzsingh iq B612. Aen hingzsingh iq neix youq bi 1909 deng boux canghdienfaenz Dujwjgiz aeu gingqyawjgyae yawjaen gvaq baez ndeu ndwi,

Dangseiz de youq baez daihhoih guekcaeq dienfaenzzyogyah daibyauij gwnzde, doiq gij fatyienh de guh le lwnhcingq gig youqgaenj. Hoeng, aenvih de daenj buh Dujwjgiz, mbouj miz saek boux vunz saenq de. Gyoengq vunzhung couh dwg yiengh-neix. (4)

